

TRANSACTION

ENTRE

M^{re} de Villeroy et Madame Léonore de Robertet

Déclaration des biens meubles que Madame Léonore de Robertet, veuve de feu monseigneur de Mandelot, ha ce jourd'huy, quatriesme jour du mois doctobre mil cinq cens quatre-vingt-quinze, remis et transportes et dellivres a messire Nicolas de Neufville, chevallier seign^r de Villeroy, cons^r du roy en son conseil d'Estat et secretaire de ses commandemens et a noble M^e Guillaume Ruelle, chanoyne en lesglise N^{re} Dame et advocat en la court de parlement a Paris, procureur de messire Charles de Neufville, ch^r seign^r et baron d'Halincourt pour le payement et acquictement des arreraiges deubs par ladicte dame de Robertet, a cause des douze mil escus promis en mariage a feue dame Marguerite de Mandelot, vivante femme dudict s^r d'Halincourt.

Premierement la fourrure de marthe avec le manteaul de velours.

Les bardes de chevaulx.

Une grande monstre avec son reveillematin.

Une reigne de cheval avec deux gros boutons, le tout d'argent avec la garniture de larnois couvert de velour rouge ayant les ferts dores.

Deux coutteaulx dacyer damas.

Ung goubellet dambre couvert avec son estuy de cuir rouge.